

雲左山房詩鈔

雲左山房詩鈔卷三

侯官林則徐少穆

過紫柏山留侯廟

除秦便了復仇心
勇退非關慮患深
博浪若非椎中誤
十年早已臥山林

翩翩偶出領三軍
天漢通靈壓楚氛
燒斷裊斜千閣道
拂衣惟占一山雲

定軍山謁武侯墓

大星雖隕大名留
一綫皇綱翊漢劉
抱膝幾人知管樂
鞠躬終古匹伊周
波寒河水居民淚
月黑祁山故壘秋
歸骨定軍軍莫

定墓門深鎖陣雲愁

武侯廟觀琴

不廢微時梁父吟千秋魚水答知音三分籌策成虧理一片宮

商澹泊心揮手鴻飛斜谷渺移情龍臥漢江深魂銷異代文山

操同感君恩淚滿襟

文信國有琴自題云松風一榻雨蕭蕭萬里封疆不寂寞獨坐瑤琴遺世慮君恩猶

恐壯懷消

女郎廟

平陵城下雨絲絲山木陰中叫子規邨婦不知龍子事浣衣猶

傍女郎祠

秋懷

一卷離騷對短檠涼生昨夜旅魂驚隔窗梧竹蕭蕭響知是風聲是雨聲

遙憐絕塞陣雲寒萬戶宵砧淚暗彈秋到天山早飛雪征人何處望長安

天涯芳草舊萋萋流水無聲夕鳩啼何事戍樓鳴畫角雙尖耳聳馬悲嘶

官如酒戶力難任身比秋林瘦不禁漫擬沙場拚熱血忽窺明鏡減雄心

題汪少海隴頭集後

唾壺擊碎君勿悲嗇君之遇昌其詩詩挾邊聲削秋骨吟鞭曾

指天西陲芙蓉十丈華岳頂黃河九派崑崙支終南太白太古
雪君以妙手兼得之但恨隴頭嗚咽水棖觸詩心增鬱伊江湖
昔年風浪惡輒塵滾化衣爲縑折腰五斗那足戀掉頭一去從
此辭將軍軍門有揖客青袍幕府甘相隨是時關隴傳紅旗洗
兵脫劍休

王師君言文武毋恬嬉防邊慎固吾藩籬見意於詩詩解頤重
臣領之了不疑事無大小悉以咨君身雖隱策已施奚事光範
陳書爲風流來往有二老

謂楊時齋顏
惺甫二公

賞君玉佩瓊琚詞拂雲

樓頭弄明月瑤源閣下招風漪一觴一詠偶遊戲墨花香透珊
瑚枝卻愁未得歸峨嵋梅鶴猶寄西湖湄塞鴻影孤邊馬瘦客

夢寒被西風吹自傾濁醪澆塊壘狂歌吐盡胸中奇君今南還
到吳越舊部正慰民謳思去日崆峒倚長劍猶有光彩騰陸離
龍津遇合非無時風胡辭燭今爲誰嗚呼風胡辭燭今爲誰

題吳荷屋方伯

榮光

歸省集

趨

朝俄被簡書催猶戀南喬首重回行省恰宜鄰照近褰帷還喜
使君來要知報答春暉意端在澄清海甸才我正寢門慚負米
爲君翹望節花開

甘三滋蒼

謝

藏其業師陳秋坪老人

登龍

詩冊屬題

先生吾父執宦海幾浮沈垂老艱生計消憂耐苦吟傳衣識高

足秋坪歸道山貧無子滋著立孤經紀其喪時周卹之嘗繪圖秋坪坐石上已侍立師亡十餘年辦香之奉歷久不諼是可嘉遺墨寄深心惆悵扁舟侶情移海上琴

題許甌香處士友畫冊爲香士上舍芬

墨香舒卷米友堂堂中妙墨追元章明珠神劍去復返百八十載珍璆琅當時海內推文藻虞山櫟園各傾倒沈淪草澤感滄桑水碧山青抒孤抱興來揮灑勝溪牋腕中驅使荆關妍夕佳樓頭一沈醉吟弄風月仙乎仙雲山蒼蒼煙水闊斂取真形入毫末披皺餘暇寫生姿雜花新竹娟娟活紙尾標題丁亥春冊凡入幅末題丁亥春日爲健翁宗師作山中晞髮嗟遺民誰知歷劫餘馨在鴻雪痕經四丁亥一傳月谿翁子遇字月谿購求遺墨漸水東再傳雪邨老

孫均字微題走遍長安道家山一夕風倒吹神物變幻那得知
雪邨煙雲在手忽飛去暗中偷負誰得之君家慧業有種子六世詩
孫得香士雍公蛟賦道園收百餅金償十二紙從此傳家守祖
風滄江畫舫傲南宮君看光祿吟臺畔夜夜華堂氣吐虹

和馮雲伯

登府

志局卽事原韻

西清舊夢未蹉跎南部新書共切磨重與黃眉翻故事相逢青
眼起高歌鄴中七子論才敵時在局者七人海上三山得氣多愧我蕭
蕭愁坐雨巷南剝啄少經過

風物蠻鄉也足誇楓亭丹荔幔亭茶新潮拍岸添瓜蔓端午前
後積雨
經旬敝居門小艇穿橋宿藕花予近濬小西湖作大小
二舟小者可入城橋愧比逋
前河水漫溢

仙亭畔鶴

陸萊臧詩以通仙比余

枉談莊叟井中蛙琴尊待踐湖西約一

權臨流刺淺沙

王仲山大令

益謙

以紙索書旋贈佳茗且賡以疊韻四絕

依韻答之

賤灑鸞紋絹染鵝俗書心手愧難和祇應墨水三升飲誰意頭

綱試趙坡

放翁詩茶試趙坡如潑乳

濤翻雪乳白於鵝石鉞松風入耳和分得琴堂清露味一甌邀

月下蘭坡

筆陣君能擅鵲鵝翩翩風格譜宣和凡姿合斂豈芽手退筆如

山學老坡

新詩疊韻鬪金鵝珠顆輕盈玉佩和三梳搜腸吾易竭莫教鵝
足騁長坡

仲山復疊前韻再和四首

吟牋重疊戲羣鵝韻鬪清新氣自和莫更耽奇諧競病百東坡
只一東坡

熏人炎暑類蒸鵝披拂金風乍覺和啜茗誦君新疊句桂香侵
案竹橫坡

東堂曾炙庾廚鵝座有春風共飲和料得浮屠尖易合爲山初
地只平坡

鵝鵝安得並鴛鴦挑戰頻來合議和欲解重圍須健者午莊慚

愧小兒坡

午橋莊有小兒坡君前詩及兒子汝舟故云

題韓芸昉撫部

克均

龍湫宴坐圖

雁山在郡不能有康樂枉爲永嘉守西來尊者此開山擲杖雲
中玉龍走涅槃一去蒲團空但見法雨飛濛濛黃塵中人那許
坐千二百年留待公鳴騶擁蓋等閒耳清心誓飲山中水指月
前身見祖師餅泉餘滴參宗指芙蓉邨外升朝霞按部何當來
使車爲除煩惱禮真相自屏僊從安趺跏老龍喜公再來者倒
捲銀河爲君瀉峯端濺玉巖跳珠雷車隆隆騁風馬三千年雪
太古冰龍髯迸出山風腥行天日月不敢下山飛水立雲冥冥
剪刀峯名剪水水逾怒不見波濤見煙霧迴颿裂澗龍身翻牙爪

空中擲無數是時公爲入定僧漸音千偈渾不膺倏然拄杖一
撫掌龍來聽法泉無聲拂衣笑示佛弟子且爲大千衆生起布
襪青鞵留此山爲霖事了吾其還

壽陳恭甫前輩

海州有麟鳳文采天下瞻一出郊輶游終愛邱壑潛懿彼閒世
姿胡乃甘遲淹貞抱性所蘊頤道神斯恬自許千萬禩何必名
位兼緬懷嘉慶初

文化相摩漸對策歲在未英僞連茹占司衡大興相藻鑑懸風
檐取士必經術膚受嘲伸佔門牆富文陣樹幟羣兒殲頡頏鴻
詞科立言皆炎炎糖蠚每署蟻天雞曾扣簾健者毗陵張

泉六

藝該洪纖先生與抗手氣壓三萬籤挺出閩海隅若木朝華暹
遂奪說經席百家口爲箝作賦聲摩空羣燄俱銷燼並世有昌
黎亦畏歐陽詹側聞在文襖神異辭蜚職探懷范硯授置膝韋
經拈解誦墳典時學語方誦訖披冊羣玉府識字珍珠匳禮器
夢丹漆星宿羅璣鈴十五冠黌序十九舉孝廉文源邃根柢匪
直矜摻搨所以貢玉堂干莫森鋒銛載筆邁遷史撤炬榮蘇髯
春官及秋賦三度收梗枿西臺待執簡

南齋叨

賜縑

御試南書房
恩賚甚渥

是時齒甫強鬢鬢才巖巖兼宜鳴朝陽鳳詎嘆
緣竿鮎無何乾蔭傾雞斯歸寢苦收涕省北堂暮景愁西崦晨

昏志所戀軒冕情已厭誓補南陔蘭長溯秋水兼大孝重養志

奚貴微祿沾負米在里門勝於突不黔况有問字亭春風坐帷

幘聖湖昔激灑

曾主杭州
敷文書院

清源亦澶泝

清源書院
在泉郡

比年領黿岫

絳幄張峯尖執經盛都講樸學意所炊染人甚丹青食蜜中邊

甜泛駕或不羈心憚嚴師嚴久之亦自化時雨或濡濡撰箸帙

充棟寸管難窺覘異議疏許鄭膏馥堪飫愿經辨肉貫弗俗解

資鍼砭史裁訂譌舛芟蕪如霜鏤遺從史漢拾載比朝野僉脩

詞尤醞釀不使糟醨黏言中立壇宇味外餘梅鹽近代諸作者

俯視同魚噉南抗朱與顧北陵太原閭及身傳已定猶自持檇

謙學更與年進東溟籌正添我忝鄉後進登堂拜屏籀羽翮判

鴻鵠蹤迹聯鰈鯁延年頌美意厚德仁不疎花朝酌春醕舉璣
邀明蟾試奏鶴南飛鄙音慚嚕嚕

題文信國手札後

附錄文信國與趙青山
兩札青山名文字維恭

天祥皇恐端拜奉畢惟恭上舍國諭尊契文天祥辱書
忽聞令弟簿君病勢加劇令人驚愕雄附素所不蓄止
有木香沈香遂求之宋安序得三建料覺頗精好必可
奏功也承須棉被適昨日吾家遣至者兩籠啓視具得
之敬以納上草草切希照亮天祥端拜奉畢 天祥皇
恐端拜奉畢上舍國諭郎中尊卿契丈天祥拔身來歸
瞻望青原白鷺閒血肉枕籍日夜悲涕魂魄飛馳東軒

忽裏手書至不虞從者之涉吾地也客路之窮天之困
豪傑乃爾耶誦言頓足爲之心破俞管轄行府第一醫
丞令篝燈前赴行幄又專二卒六輪夫往聽使令雙溪
閣下來冀可合併也芝楮五馬番薄奉藥費草草伏乞
台照天祥皇恐端拜奉畢十一夜二更

公身爲國輕生死縋縋故人尙如此簿君君之幕僚耳聞疾乃
如疾在已磨盾手揮書兩紙刀圭欲救膏肓起行府篝燈遣醫
視二卒六夫任所使棉定奇溫覆以被芝楮五百實其匭是時
景炎歲丙子冬夜寒風徹肌髓書馳篋管八十里

簿君病在雙
小篋管鋪

谿閣下期來止吁嗟乎天水皇綱勢終靡一木難支大廈圯風

雨何從庇寒士簿君簿君長已矣三百壙輒公所繫崇慶寺前
舜卿誅宿草蕭蕭成戰壘數語俱本趙儀可青山集此杞人閒獨不毀墨花
吐豔雲凝紫公生時乘紫雲而下再拜薰香度斐几欲廢一部十七史朱
鳥招魂淚如此獵獵酸風滿柴市

虞寄菴懷古

梁虞常侍寄會稽人避侯景亂入閩遁迹東山結茅菴
獨居屢諫陳寶應寶應怒遣人焚其舍寄菴臥不動縱
火者爲滅其炬云

蕭老公心腸薄白馬青絲禍旋作雷池神乘赤航朱衣紫氣來
軒昂蕭梁四主俄頃耳至竟不宥江陰王是時海內兩隱者前

陶後虞繼者寡洛陽殿作單于宮猶聞宰相稱山中虞公遯迹
更幽窅東山僻在東海東何物陳寶應乃敢爭梟雄心耽美疾
惡藥石轉以下策矜火攻空山夜半來祝融茅龍一炬光熊熊
先生高臥正伸腳自信人厄非天窮邦人義之滅其烜秉耒東
營投且去旅人不笑不號咷早識鷓鴣雛嚇腐鼠蕭乾旗鼓動地
來豪酋面縛軍銜枚噬臍已晚難乞骸昔時凶燄今死灰用留
蠶伏俱燼煨黃鵠舉矣城烏哀嗚呼虞菴雖圯餘蒿萊千載弔
古增徘徊晉安豪帥安在哉

題梁芷林方伯

章鉅

藤花書屋圖

與君舊住屏山麓對宇三椽打頭屋夾道坊南君徙居寒藤天

矯學草書

用放翁句

壓冠半墜紫纓絡點筆遙架青珊瑚花時君正

聯吟社篆額曾邀老司馬

陳司馬秋坪爲篆藤花吟館額

絳趺堂與白華樓

陳

恭甫前輩薩檀河大令

鬪韻傳牋俱健者我攜眷屬登蓬瀛羣君皆以詩

龍行

壬申年事

飛觴我亦坐花醉但少奇句酬溪藤廿載搏沙輕撒

手夢裏黃壚一杯酒卽看庚午雅集圖一十三人亡者九

君又有此

圖昨亦出示同深感喟

主人囊筆直承明回首家山無限情縱經夜壑移

舟去

屋已屬他人

詩卷仍題舊館名君不見海波街前地低溼老屋

蒼藤重朱十又不見山陰道上一草廬才名競說青藤徐矧君

遭際風雲會事業文章照中外卻爲當年養晦深始成此日經

綸大浮屠桑下那能忘荔海榕城况故鄉畫筆追摹鴻爪雪鬚

絲增感馬蹏霜借藤屋裏書痕在轉憶吾廬吾亦愛聞是君家
小鳳來好寫新圖與相配

余京邸故居鄰藤過牆命曰借藤書屋君曾爲篆額今此屋屬君喆嗣吉甫

題秋園涉趣圖爲趙淞舫孝廉

田園隱隱古柴桑杖策歸來徑未荒宦味不教嘗五斗秋心頻
與展重陽寒泉薦後人俱澹小枕添餘夢亦香我正倦飛思得
憩買山先買一籬霜

題陳芝楣都轉

鑾

滄浪話別圖

長史亭邊送使君吳歛遙逐嶺南雲請將清絕滄浪水滿貯牢
盆滌海氛

舟過吳門與芷林話舊出倪雲林湖山書屋畫卷索題卽

和卷中雲林原韻

附錄雲
林詩跋

湖水清空好放船
青山依約白鷗邊
忽思周處祠前路
古木蒼煙正渺然
丙寅三月十五日子與元素將從梁
鴻山歸吳山之上是夕坐至夜分寫此一幅并詩以贈
吳下新停北去船
夜分同話短檠邊
更看贈別倪迂筆
棖觸離情一黯然

小西湖上採菱船
十里芙蓉淺水邊
儻憶白鷗與偕隱
蒼煙古

木也依然

去歲在小西湖作詩月絲筠兩舫今春荷
亭遍種紅藕惜花時不獲與諸君同游也

題岳菰亭方伯

良

春湖夜泛圖

湖波輕漾柳絲風隔岸桃花蘸水紅一舸不驚鷗鷺夢艚聲帆影月明中

平生到處有西湖

東坡句

此樂何須讓大蘇記自皖江移櫂後冶

城重與展新圖

君歷潁州福州皆有西湖

題王竹與都轉黃河歸櫂圖

事君宜致身引疾似詭避要其心迹殊賢愚詎同致或憚遠役勞或畏瘠土累或遭上官怒或慮吏議至其名爲勇退其心實巧利亦有止足懷投老初衣遂泉石祗自高那問經世事此皆非君倫君退蓋以義傳家裕經術夙志在用世治績越中彰姓名

御屏記一擢二千石再擢觀風使河朔黃流長安瀾歲歷四人
言君砥柱允副宣房寄誰知盡臣心幽獨自難昧嗚呼習移人
其在河隄吏縱諳三策施孰詰百端僞明察疑煩苛獨清亦衆
忌和光同其塵又豈志士志聞君立河壩暗灑憂時淚督役稽
芻蕘廢食不假寐以此勞心神乃夢賢子二周任訓陳力敢謂
可臥治亟謀攝衛宜以作報稱地吏民徒苦留歸榜疾於騎河
心咽清流嵩少送煙翠片帆收白門但有琴書載老屋餘劫灰
小山上叢桂無田歸亦得奚用江水誓

九重側席殷艱難待宏濟詎許臥煙霞正資振凋瘵朝出夕拜
官除書破常例離綱重江淮上關軍國計積疲幾淪胥盤錯要

利器前席

咨嘉謨指陳切時弊權知卽真除匪以汝爲試責效匪在速謀

遠席可繼

請訓時所授如是

單車昨南來先聲動懷畏人皆爲君榮

我聞竊心繫防河固良難煮海詎云易所賴本清直兼能運才智苟當改弦張斷制必剛毅人情多嬖嬖願勿徇浮議上策探本原補救特其次要知君所爲定與末流異我昔亦移疾自分宜放棄

聖慈曲體之感極但零涕

壬午入都得補旋蒙

旨仍發浙江候特簡江南淮海道與

君語進退使我重獻敝席持激厲心十駕勉追驥

題黃樹齋

爵滋

思樹芳蘭圖

君何思兮思瀟湘楚佩搖落天爲霜君何思兮思空谷寥芳無人媚幽獨人間綺靡烘可憐眼中蕭艾徒紛然美人肯使怨遲莫爲滋九畹開香田開香田藝香祖此品羞爲衆草伍芳菲菲兮襲予情脈脈兮繫汝清風忽來紫莖盛開猗猗東山油油南陔庭階玉樹相暎發當門之思胡爲哉同心兮有言仙之人兮手陽春陽春一掬撒塵世心清十萬香聞根

讀曹新安相國師隨扈

巡幸盛京詩敬疊集中第一首韻

中秋扈

輦小春回鴨綠江頭滌筆來眼底山川憑藻繪毫端風雨洗氛

埃幽并得氣詩懷壯遼瀋開祥

聖緒恢

帝百廿篇

御製巡幸盛京詩一百二十四首

臣一卷功成樂作奮占雷

崇謨閣上首重回憶昔輜軒奉使來聯轡舊曾悲宿草

師以嘉慶丁卯

歲恭送

高宗聖訓實錄至

盛京尊藏

屬車新喜淨纖

埃領班樞禁

殊恩特

國朝樞廷以漢大臣領班者惟師一人捧

詔楓墀盛典恢

九月二十五日政殿受賀師恭捧

上御崇

長與昇平調鼎

鼎

皇威震疊訖無雷

次韻酬潘星齋

曾瑩

見懷之作

薊門一夜雨殘暑散如煙旅夢出塵外秋懷生酒邊懶吟同避

債倦客且參禪梅鶴圖堪借憑君締墨緣

來詩謂近得南田翁孤山梅鶴圖

題張雪樵郡丞

寶榮

洗月軒圖

謫仙醉眠呼不起江月沈沈浸寒水酒樓四望雲模糊誰掣鯨
魚碧海底君來築堂方讀書撫此皎月騎蟾蜍踏翻銀河瀉飛
瀑淨洗萬顆波心珠摩之盪之出君手手中歷歷捫星斗古月
翻成今月新爲語青蓮合低首一輪影對邀一杯江天生面此
重開觀書況有眼如月亦白互古雲水光中來

題張南山郡丞

維屏

黃梅拯溺圖

披圖棖觸大江東昔歲陽侯虐正同

癸未江南大水與此別幟同僕適承乏其地

漫傳稱佛子成橋何術渡朱蒙魚頭夢醒驚蚯蚓蟻穴防疏負
雁鴻君過河淮憑問訊元圭曾否告成功

曉發

籃輿衝破曉隄煙宿鷺驚飛水滿田行久不知紅日上兩行官
柳翠迷天

芝

秋霜新感鬢絲絲夢到游仙醒後疑安得玉莖隨地種換人顏
色似童時

茅松坪中翰

潤之

南山絲竹圖

詞客中年學謝公登臨高唱俯江東吹笙夢醒嶽山月擊筑聲
寒易水風能使魚龍騰靜夜似聞鸞鶴響晴空安昌堂後今惆
悵喜有霓裳曲調同

吾師耕亭
精於音律

題彭魯青大令

宗岱

冶山餞別圖

廉吏不可爲去年銜恤今甫歸萊蕪飯糜恒苦饑官逋責償况
纍纍閩山萬重青作圍男兒無翼難奮飛辦裝無錢增歔歔遠
巡百計才臨歧君本玉堂仙人姿罡風吹墮瀛海湄玉華洞天
天下奇飛鳧一至膏雨滋民謂使君父母慈士謂使君眞官師
無何于役雙輪馳鞅掌並使晨昏違勞薪乍息趨庭閑背護歟
失三春暉嗚呼使君數何奇一隅留滯百事非我生鮮民同此

悲入門弔君涕交頤君今行矣且遲遲部民持鞞留去思牂牁
萬里西南陞素旄影逐蠻雲移表阡負土逾峨嵋墓門淚灑青
松枝太夫人登堂幸託乾蔭垂森森莊椿繁壽芝願君善補陔
華詩他年捧符仍來茲吾民愛君口有碑恨不早覩褰車帷君
身雖瘠民則肥循良之譽人盡知嗚呼廉吏不可爲廉吏不可
爲而可爲

洛神

離合神光那許媒千年羅襪況成灰明璫翠羽都零落知少黃
初作賦才

劉默園司馬蠟洋遇盜圖

蠍子洋邊颶風惡神魚揚鬚奮牙齧排山巨浪聲喧逐君獨乘
舟將安泊是時恩循匿海島以人爲糧恣吞嚼中流猝遇勢力
孤應變何由出鯤壑嗚呼生死呼吸中不獲天佑人無功君之
此行實蹈險養志一念填心胸臨危開放二小鳥汝獨何苦殉
樊籠長天萬里縱所適檣竿卻立鳴噫噫羣盜喧傳感仁者頃
刻潰散如旋蓬長槍大戟愍不畏乃出微羽摧狂鋒始知生理
有共好黃雀報德將毋同方今重洋了無事市舶涉波若平地
天吳順命蛟鱷柔君述前遊向心悸人生夷險非一途終覺冥
冥有真意一誠惻隱格豚魚羣醜無然失倚恃鬼神所憑祇忠
孝患難能消豈才智還君此圖三嘆息在莒毋忘願相識

又劉默園錢江出險圖

奔鯨駭遊鱗翔鴻戢遠翅初占大過凶旋協中孚利波濤仗忠
信茲事庶可紀江潮夾龕赭日夕凡兩至一線聲乍喧千軍勢
皆避矧當岸根隤復值風威厲依旛衆檣泊犯浪孤帆駛欲紆
倚閭心敢需涉川計精誠貫陽侯義勇激與隸出險如夢中青
山澹無際

鄭紀薌同年

長錄

再生圖

曾任甘肅縣令以挪移庫款下獄數年始出

曲江高會舊知名吳下相逢一笑迎人海波濤終是幻故山松
菊有餘清全生詔獄

君恩重釋負歸田宦橐輕慚愧左驂曾解脫爲談前事尙心驚

涼州春酒熟蒲桃從政艱難首重搔大府自殷軍國計部民猶
識使君勞神駒服軛哀鳴苦倦鳥辭籠刷翅高三篋謗書人共
諒輕車款段許遊遨

莫釐峯下結廬居門對青山好著書吹笛秋風收釣後荷鋤春
雨課耕初莊周夢醒原無蜨張翰歸來且爲魚領取湖光三萬
頃忘機抱甕樂何如

題曹荔帷手書詩冊

江湖漂泊舊詩名認取雲煙紙上生古劍埋餘猶有氣素琴淒
絕若爲情畫圖點綴多秋思客路蒼涼半雨聲今日齋頭傳硯
在鐵花光照墨痕明

題祝譽廷司馬

慶普

廣陵觀潮圖

君家建溪初發源谿泉涓涓流到門下灘東走赴溟渤乃有潮
汎生朝昏聞越連疆共一海潮來海氣相吐吞君今仕越飲越
水水味何如君故園我亦之江舊承乏觀潮勝概猶能言兩山
龕赭東海鹽欲進不進潮怒奔初看空外白一髮頃刻銀闕排
天閭蟄雷奮擊雪窖裂陣馬爭踏河冰翻併力洶洶撼陵谷作
勢滾滾浮乾坤入江屢折氣逾亢拍岸倒捲波皆渾須臾勢定
落千尺峯腰樹杪餘沙痕前宵後種誰所見厯劫豈尙留煩冤
獨憐强弩射能退翻資白雁軍來屯廢興陳迹付一喟巡防舊
事宜重論我昔備兵議守衛石塘鱗比如崇垣潮頭歛來激隄

堰水所漱齧搖其根心憂燈穴百丈潰潮過雙履親江邨兩防
之丞曩所統海塘設東西防同知各一地居衝要需撥煩君來佐郡秩恰稱
披圖可識君思存古人陳力重所守清漣勵志歌懸貍詎學弄
潮恣兒戲要從監水規治原我渡錢塘正艤櫂君來相對移清
尊叩舷試作小海唱耳邊已覺潮聲喧

雲左山房詩鈔卷三終

雲左山房詩鈔卷四

侯官林則徐少穆

戴筠帆工部

綱孫隴樹瞻思圖

嗚呼隴頭樹自古悲風木生不盡百年鮮民同一哭嗟君釋褐
時已脫萊子服南望舊松楸牛眠幸早卜可憐寸草心春暉難
冉旭繪圖寄孺思聊補循陔曲感君天性優令我悲懷觸憶昔
官長安升斗竊微祿十年定省違千里夢魂逐厥後奉簡書謬
叨任岳牧區區迎養心謂可老娛福高堂年就衰未肯離邦族
寄書千萬言開緘再三讀欲得親心安毋使官謗速澹泊我自
甘清白汝宜勸書中墨汁新衣上綫痕綠烏烏情未伸桑榆景

已促凶問一再來天乎何太酷灑淚讀君圖同此嗟莫贖亦曾
買墓田風雨山之麓小草又出山丙舍縈心目與君同勉旃
詒謀懷式穀小人忝所生君子慎其獨霜露秋復春寢興夜繼夙
努力崇令名餅壘庶不辱

夜濟

苦熱不成寐殘燈還渡河行行有幽意莫問夜如何

題梁吉甫

逢辰

攝山詩境圖卽次自題原韻

布帆頻挂秣陵秋六代雲山瞥眼收獨有棲霞松外路幾回芒
屨負清游

龍蟠虎踞舊神都賸此高峯一徑紆何日遲君白門道江聲松

賴寫新圖

寄內

古驛寒宵夢不成一燈如豆逐人行
泥翻車轂隨腸轉風送駝鈴貼耳鳴
好月易增圓缺感斷雲難綰別離情
遙知銀燭金闈夜數到燕南第幾程

谷美田比部

善禾

以其祖秋燈課讀圖屬題

北州家學感殷門珍重芸香手澤存
插架籤排三萬軸負床人課半千孫閒邀月影穿檐隙愛聽書聲出樹根
今日清芬傳誦遠青燈滋味細重論

和潘四梅大令

煥龍

見題拙詩並賀移撫三吳原韻

慣教烏帽抗黃塵宦轍年來五度新庚寅秋任楚藩辛卯春調中州其秋調金陵冬月擢

督河東今行水敢云勞楫橈得人何以答

絲綸近疊奉批章有如此勤勞及知交謬許文章伯時事

方思將帥臣指湘西事小技壯夫奚足道鴻泥慚說去來因

四梅屬題官閣聯吟集

仙吏風流續玉臺劉妻鮑妹並清才椒花頌就題元日香茗吟

餘寄大雷三管豈矜中婦豔雙聲合受小姑催秘歸邨裏遙相

合恰詠君家四樹梅君女兒伴霞別爲一集盍合梓之以增盛事

題梁芷林方伯目送歸鴻圖

我方江南來君別江南去去來亦何常君行毋乃遠君言昨歲

夏早擬歸田賦哀此中澤鴻旌帷暫遠駐惻悱救時心卓犖經
世務不辭一身瘁殘黎活無數豈無危言阻勇者能不懼善氣
所感孚春風扇和煦擔簦返江北室家竟完聚我本江北官拯
災愧無具流亡少安輯去者云何住賴君畛域融樂此將伯助
此邦歲亦儉鳩資乃稱裕令行一何疾曰惟得民故鴻飛旣安
宅君歸戒徒御似聞廬井閒牽衣有呼籲瘡痍未全復拊循更
宜豫何以贈我言披圖感情悰

和芷林留別原韻

十年巖壑鎖蒼苔

君通籍後
家居十年

澹泊原無俗慮猜滄海待看珊樹

豔大江旋擁節花來高懷終喜餐松實舊事毋忘啖芋魁出本

雲之山房詩金 卷四
三
無心歸亦得虛舟何負濟川才

記取棠陰手種時政成久與俗咸宜
流民圖上憂時淚行水經中紀事詩
南國化行真許最東山臥起詎容遲
試聽八百平江路滿耳吳歛總去思

題南武奉祠圖應李蘭卿同年

彥章屬

分符手握萬家命活民之官莫如令
當官自許盡循良去後幾人思德政
宦蹤休歎逝水移公論恆從蓋棺定
君不見南武城中一瓣香李翁心迹
虛堂鏡當時治法豈殊衆祇與閭閻
通利病征無加羨訟無滯卽此民心
呼吸應吳民易疑亦易感柔或失絀
剛失競翁之所恃惟一誠父母謳歌
出真性不然令茲縣

者十百輩胡獨烝嘗兩侯竝

祠並祀崑山郝公

我翁有子才且賢鷓鴣

珠樹巢後先次公高蓋治行卓懸魚渡虎潯江邊謁來江南拜
祠宇茭舍無恙棠陰圓溪毛一薦動巷哭峴碑早爲羊公鐫縣
民爭識故侯子道旁樞謁肩相駢自我不見今十年攜手快酌
滄浪泉官齋燒燭永今夕感述先德同濟然此邦重鎮愧難副
况復盤錯紛鉤纏追懷良宰但太息服膺美政期省譽嗚呼班
范書稱十七吏桐鄉奉祀人尤傳官能活民報必大請看李翁
令子皆騰騫

題李蘭卿湖西秋禊圖

不到西湖今二年展君圖畫思悠然琉璃十頃浸寒碧梅柳橋

西初放船蒼蒼林木磊磊石鱗鱗雉堞眇眇田忽如坐我高閣
上琴歌酒賦同流連憶昨經營疏濬始自漑泉源決菰葦刮磨
塵垢鏡生光散盡流雲月無滓荷亭清曠桂齋涼岸幘看山頻
隱几曹徐韻事共誰繼可惜諸君未歸里我亦輕帆湖上發俄
與故園松菊別回舟南下漢江波躍馬東看岱郊雪

王程屢易歸夢疏那計青山分半笏豈知翦燭姑蘇臺鄉思無
端又飛越圖中五人我盡識各有新詩記游迹此亦人閒鴻爪
泥卽今聚散成疇昔李侯朝

京駕輾輒更爲作歌歌主客小滄浪水暮生寒何似湖西秋禊
夕

題李蘭卿燈窗梧竹圖次蘇齋韻

蘇齋學士論詩曰京國賢豪盡結鄰海內已空壇
拈地圖中如聚古今人竹梧瀟灑清聲合蘭茝芬
芳妙契真重到春明一南望繫懷出處易傷神

鸞鶴遙天答遠音燈傳須證本師心卽看政與
人情洽早識詩含道味深出岫心閒年正富回
瀾手挽力能任韓蘇建樹皆非偶相待千秋石
引鍼

題陶雲汀宮保登雲臺山畫卷卽次原韻

華蓋星辰擁上台

雲臺之北對峙者爲華蓋山

重臣旌節此登臺似聞初日

天門啓眞見仙人海上來雲氣龍堂深致雨潮聲鯤壑響驅雷

千秋孔望誰能企聊喜觀瀾賦水哉孔望山在海州東五里與雲臺相映發相傳孔子登此山望海故名

鵬背青天笑共捫坡仙吟侶職方孫來依鵬背負青天東坡次韻孫職方游此山詩也

層樓望日搏枝曙海曙樓牛嶺吞雲竹樹昏竹節嶺可許成丹燒石

竈也應留帶鎮山門登臨本是瀛洲客滄海橫流倒一尊

題錢梅溪咏梅花溪上圖

梁溪客住琴川曲手種香田結茆屋一鋤明月夾溪花溪水到門清似玉朱郎歸來白髮新巡檐索笑笑閒身山前煮石汲丹井瞥見南枝森古春秦碑漢碣臨摹偏手掬香泉滌紅硯忽從疏影悟橫斜槎枒骨幹開生面占斷煙波渺一涯衆香供養勝

丹砂何時我亦移芳權認取孤山處士家

伊少沂

念曾

屬題其尊人墨卿太守

秉綬

西溪消夏圖

一菴秋雪已先秋來及蘆花未白頭何事光陰催幻夢詩魂飄泊又揚州

東坡仙去參寥化二十三年一瞥閒喜見斜川今判事恰教重看浙西山

和石琢堂廉訪

趙主

七十七歲自壽原韻

百年重九三逢闋

乾隆丁巳丙子暨今歲壬辰皆闋九月

九老聯觴正在茲兒率

身宮參玉局

東坡生於丙子瀛洲尊宿證安期龍頭早震科名貴鶴壽

長耽福祿宜

公所居爲鶴壽山房

今日儒宗推領袖范公重數秀才時遊

泮宮

和韓桂舫司寇對重游泮宮原韻

老宿誰云歎積薪再來爭重百年身佛緣最喜初禪地文福能

資勇退人桂影纔圓三五月時在中椿齡真合八千春翻從一

品披衣後仍學書生岸幅巾

弱冠微軀一介輕掄才叨許冠羣英甲子肄業鼇峯公陳臬閩中課藝屢蒙激賞後官浙

江公書楹帖寵行句云掄才久許文章伯為政今兼山水鄉鄭鄉造履來文舉鼃令傳經重

伏生四皓直疑仙作友是日重游者石琢堂前輩言皋雲太守余鰓香學博與公而四三枝難

得弟兼兄祝公待我重游日百歲坊前詠太平余丁巳年入泮計重游之年恰

公期頤之壽

題陳登之別駕延恩督運北行畫卷

君恩已許減徵輸民氣東南尙未蘇雀鼠太倉無宿飽雁鴻中
澤有新逋飛芻早盼移官舸掃葉徒慚下縣符撫字催科俱政
拙莫誇杭稻轉三吳

滄江書舫載南宮虎阜朱幡送長公新漲綠添梅子雨畫旗紅
颺藕花風千櫓粒食期琛護百道泉流古會通莫遣歸帆遲雁
信待看秋稼報全豐

送趙菊言少司寇盛奎還

朝次王竹嶼都轉韻

江淮米貴抵兼金振廩行糜費酌斟欲輯流亡無善策苦求芻

牧賴同心醵鴻集澤皆親見鳴鳳朝陽願矢音暫醉莫辭京口
酒雨絲帆影綠楊陰

時於京江雨中話別

題沈迺錫手書五言詩卷

迺錫名宏範明諸生洪文襄帥長沙時迺錫爲之招撫

黃州諸寨功成薦授鎮沅副將不受歸卒年七十五

五字長城歷劫灰何如晞髮慟西臺將軍揖客相逢晚莫救松
山十萬哀

題錢南園先生

澧

守株圖遺照卽追和自題原韻

直節生遐陬微時抱義處致身爲

君國自許袞職補朝陽翺桐鳳履蹈惕冰虎守身喻此圖良止

止其所

昔我游五華星郵里逾萬式閭景名德仰山適吾願睇觀遺墨

新想像風規遠筆正徵臣心公忠泯恩怨

嘉慶己卯典試滇南及門錢信巷以先生

遺蹟屬跋

及茲拜圖像清徹天人姿霜根聳枯幹兀坐忘朝飢密葉有解

脫貞柯無支離志士植名節對此情爲移

我非守雌黑聞義向心地順生以爲常

先生句

斯語吾請事去來

兩無戀靜躁各有制莫認達生言天地遽廬寄

趙蘭友同年

廷熙

以龍樹院雅集圖副本屬題

一瞥風花又五年南皮高會散如煙黃壚易觸中年感

圖中萊山春門

順伯陸園

俱下世

朱轂猶多外秩遷

柳溪蓮舫小雲芸皋美田訪巖及君皆於會後外遷

當日畫

圖誰主客回看觴咏似人天與君同對江南月還締慈恩舊墨緣

題袁介菴太守

渭鐘

海塘籌禦圖時介菴下世三年矣

宦海搏沙那忍論麟洲珊瑚樹早移根

海塘議成而君去浙

嘉禾手植留行

部宿草心傷指墓門盡使臣衷懷水監奚勞使節稅星言三疊

今日咨羣策保障爭思佛子恩

時杭州東西塘籌防方亟

輓曹文正公師

元老方開九表春忽騎箕尾應星辰

三朝身裕舟霖業

一德悲深柱石臣綠野未遑歸杖履絳帷何處接音塵
在天陟降隨

龍馭昔日

先皇正上賓

正月三日
廟忌辰師以是日薨

高

天書新捧拜

恩還休沐經旬待領班誰料中台亡一鑑俄傳

內勅賻千鍰慟逾西苑瓜筵撤樂邁東園漆具頒回憶請共資

翊輔

鑒輿親奠涕先潛

易名尤仰

帝心孚際遇明良禮數殊經緯為文彰懋績保衡先正勵嘉謨

琅書勒字追司馬溫公諡文正金管銘勳付董狐東武劉文正公統勳北平

朱文正公媲美榮褒華袞後先符

回首春風領袖亭師家亭名少年書味一燈青曾繪青燈有味似兒時玉照仙峯

夢早依鼇禁師嘗夢至仙山見鼇峯二字魁榜聲先接鯉庭文敏公與師舉進士皆列十魁

前珂里停輶娛愛日錦堂調膳看文星師典試楚北畢馳驛侍文敏公時朱太夫人在

堂壽逾九表更聞黃閣傳佳話袞繡重牽泮藻馨癸巳歲師重游泮宮

六官歷盡掌

綸函揆席先經五日參師五日參知即正揆席拜手賡颺依斗北單心樞

密播薰南上賜聯對云同德資良弼單心贊治樞隆平但守蕭規一啓沃難傳

說命三

上諭云外貌訥然而獻替悟到歸根吟落葉果然

終始受

恩覃

師十齡賦落葉句云而今悟得歸根意雨打風吹總是恩

身在蓬萊最上層文章舊價重於陵公才公望甌先覆門下門
生鉢遞承七寶座分金掌露一條銜晃玉壺冰如何卅載神仙
長兜率宮開叱馭昇

文場十一度掄才海內龍門峻望推星使輶軒承露湛

典試及視學凡

六春官桃李倚雲栽

五主禮闈

羊城駐節清芬繼

文敏公典試粵東師又視學其地

龍樹題詩雅集陪

辛未同歲生有龍樹院雅集圖師爲題句

想像虛堂留藻鑑

辛未會試

時題虛

堂懸鏡酬知慚愧爨桐材

巨筆承明邁許燕星雲爛漫繪

堯天書成

謨典光文府道闡苞符直

講筵白傳新詩長慶富衛公鉅集會昌編研鑽未逮慚徵序

師命

作序欲浣舊薇手自鐫

西陲龕靖憶弓囊首贊

宸謨協豹韜樂府軍歌傳箭定戎帷

帝獎運籌高名尊傳相同周畢像繪功臣冠鄂裊千載大烝崇

秩祀長垂惇史紀成勞

奉
祀賢良祠
旨入

光風霽月渺尋思一老天胡不憖遺猶捧音書悲永訣

聞噩耗
後復得

師書讀之不勝嗚咽况無豎立負深知荷香過雨空成夢庚寅夏出都師贈詩有莫忘執
手殷勤語記取荷香雨過天之句楷樹成陰又幾時一掬西州門下淚愁看丹
旄過江遲

題喬鷺洲重禧詩文稿後

遠追姸雅近謨觴照耀江東此靚妝別有橫汾才子曲關門秋
角劇蒼涼

耿耿懷知感遇心每於文字費沈吟北江長律山陽表想像鍾
期聽後琴謂集中送洪稚存先生詩及汪文端公墓表

題蔣伯生大令因培岱頂搜碑圖冊

四十八字集古錄二十九字元君祠空山野火爍榛莽寶光夜

淪玉女池蔣侯訪古手得之傳此十字先秦碑嗚呼力政燔六
籍頌德乃假文字爲巡行郡縣二世繼盡刻表石山之陞五刑
未具丞相斯昧死請刻留厓屢後人重此義安屬謂是篆法千
秋師君不見宇文獵碣擬周雅講解同異言參差又不見銅槃
匱鼎索三代摸搨款識紛然疑世儒媚古備史證全文况紀龍
門辭如侯好古今亦稀手抉星斗親甄椎搜巖剔穴發光怪關
中郭趙安足奇卽今七十霜滿髭相逢豪氣猶淋漓官齋晝閒
示搨本想見繭足荒崖時

題雪湖楊高士遺像後

高士名執字碩甫吳江平望人爲瞿忠宣公幕賓忠宣

殉粵西之難高士慟哭軍門四日收遺骸歸葬虞山康

熙辛酉陸清獻公過之於虞山爲序其詩

孤臣灑血殉蒼梧義士招魂到海虞劫換紅羊忠骨在歌殘朱

鳥淚痕枯三軍動色愁風洞一老歸蹤話雪湖奚取松仙同配

食明孫章宗室乞食來吳居高士家三載學仙指松爲姓故虞山立松仙祠以高士爲配新祠拂水薦生

芻虞山拂水嚴雙忠祠祀瞿忠宣公及張都督同做高士亦配食焉

壽陳芝栢方伯

頻年水毀又金饑憑仗仁懷與護持清漑廉泉官貸粟寒衝虐

雪路行糜流亡漸息窮途淚腓字全收隘巷兒疊舉捐振平糶施粥及收養流

民育嬰瘞埋諸政天意能迴民命續累君新鬢也成絲

供養香雲作地仙

君有佳視題曰南湖居士香雲海

勤勞彌慶得天全稱耆齒

許溫公少寡過心欽伯玉賢自矢鑪香告清夜不教絲竹寫中

年近有五十自訟一篇謝絕篋篋屏除歌吹足以風勵僚案

期君長此恢鴻業泰上成鳩萬

八千

喜聞芷林前輩奉

召入都將過吳門適枉來詩次韻奉答

出處如君繫重輕豈宜長結故山盟

鸞書宜召殷南顧獸闥沈吟紀北征正是火雲連赤地果然霖

雨潤蒼生

時大江南北方苦旱君到吳門甘霖大沛

請看舊部來蘇隊十日能無駐

旆旌

滄浪亭畫冊

芷林曩脩斯亭今藩伯陳芝楣實襄厥事落成九年而
芷林去蘇三年矣茲出吳門芝楣邀集重游屬黃君穀
原繪圖贈別芷林首索余詩次韻以答

賓從歐梅迭往還畫師妙手况荆關巖松謾謾迎風吼徑竹鱗
鱗著雨斑轉憶經營聯意匠長期突兀庇歡顏醉鄉莫唱南園
句報答

君恩重戴山

亭本吳越錢氏南園故址王黃州有
乞與南園作醉鄉之句故翻其意

鄭蘇年師抱膝圖遺照

師諱

光策

乾隆庚子進士歸里待銓有心用世故爲此

圖見志繼嬰足疾不出主講鰲峯書院甲子捐館年甫
及艾以明體達用之學未遂厥施士林惜之今兩孤早
世孫未毀齒芷林以師門高足兼冰玉親曾編遺集行
世茲示以圖薰香瞻拜不禁淚涔涔下也

遺影追尋立雪前春風書帶正翩翩誰知稷下聞琴淚已兆隆
中抱膝年師繪此圖未幾卽得足疾座有心香餘澤在集題腳氣幾人傳韓
門李漢編文後憶否桐枝瘦可憐

和卓海颿閣學

秉恬

江南文闈卽事原韻

桂露霏簾漏欲沈盈牀束筍燦如林斗閒劍識中宵氣繫下琴
收太古音搜落卷勤甚鎖院茶香文挂腹用坡公詩語山樓月照鑑當心

江面山樓月照
時聞中詩題也
更期撤棘攜吟屐
梅社詩盟取次尋
君昔寓吳門與問梅
詩社諸君
輒唱和

題蔣丹林先生
祥墀
重子鈞游圖卽次自題原韻

三世蓬瀛海內稀
老臣戀

闕忍言歸仙心自領煙霞趣
鄉夢遙憐歲月非
原詩有楚北連歲水荒之感

炳燭光明娛蔗境
老尤篤學著述益闕書法浸
淫魏晉四海人士莫不宗仰
垂竿滋味話苔

磯紅塵何異青山住
萬卷圍身畫掩扉

康強早越古來稀
今歲七十有五
就養真成大老歸
小字珠絲神奕奕

比兩辱手書
長歌石屋想非非
贈陶雲汀宮保印心石屋長遙
歌浩氣流行老斲輪手也

知卻杖摩銅狄那惜投簪換石磯
因老得閒閒得健
來書自東言如此

窗紅日傲黃扉

公懸車後取睡覺東窗日已紅之句鐫爲小印

送韓珠船侍御

榮光歸粵

萬柳毵毵送繡衣
望雲南去戀重幃
廿年夢觸林烏哺
三月春隨海燕歸
難得采蘭馨膳樂
不妨焚草諫書稀
天涯別有傷心客
隴樹迷離鳥倦飛

題黃楚橋

學圯

史印

周官重璽節漢爲斗簡
封後來私印出雜用金玉
銅昔之撥蠟法今作攻石工
偶得秦漢章珍逾琉璃琮
顏姜與吾趙譜錄紛異同
琅山有老學蒼雅羅心胸
餘事擅鐫篆著手斤成風
六書究奧惜此技非雕蟲
慨念古史才哀集以類從
凡四百餘石鈴

以丹砂紅想當運堅初光氣貫虹旁可證碑碣肅若列鼎鐘
自來篆刻家無此體例崇何况龍泓後浙派非中鋒巨編一展
對金石相昭融乙部四千年留迹如霜鴻三長欲兼擅八法誰
爭雄君真古爲徒頡頏斯與邕

題楊雪葉

慶琛

金陵策蹇圖

斜日西風萬柳條棲鴉流水舊魂銷卽今仍踏長干路官愛江
南爲六朝

昨宵尊酒話粉榆不改鄉音改鬢鬢試指三山證離合五君應

共入新圖

君與蘭卿竹圃蔭士共飲節署作家鄉語闌稱三山
金陵亦謂三山去年芷林作三山離合圖繪余及蘭

卿今此會五人擬亦
圖之以誌良遇云

唐孝女惠觀哀詞

愛親心切兒命輕士也難之女獨能女命籲天天果膺刲肉可
療誠有徵舊創未合新創仍仍姊妹竝進雙孟羹孃病方瘥兒病
嬰姊危語妹妹涕零以身代孃志竟成但未見爺悲難勝天乎
天乎如可憑女欲見爺化作男兒再向唐家生

賦海鹽張螺浮給諫惟赤涉園

黃門昔歸田經營此泉石卜築東海濱負郭三徑闢鶴柴繁疏
紅魚梁映淨碧滄浪歌獨清濠濮意自適登眺怡心神朋俦數
晨夕人惜止足情謂是煙霞癖誰知剛立朝烏府簡恆白巖憚
挾風霜疏草傳東掖戔戔鐵柱冠老去餘岸幘迄今百年餘亭

館儼疇昔行部我曾過仰止頌遺直況以恬退忼能令躁心息
因之懷故山松桂定相憶

詠馬嵬坡

六軍何事駐征驂妾爲君王死亦甘拋得蛾眉安將士人閒從
此重生男

纔過生日祝長生誰道生天促此行六月佛堂涼似水梵王揮

手竟無情

六月朔爲太眞生日
馬嵬之變卽是月也

龍腦湯泉也自溫華清宮殿鎖千門紅塵飛騎來何晚一嗅餘

香不返魂

如纔絕而南方進荔支
至命力士祭之見外傳

籍甚才名長恨篇先皇遺事老臣傳詩家解識君親義杜老而

還只鄭畋

懷人

目極停雲久心懸墮月孤蘆中人影瘦劍血認模糊

雲左山房詩鈔卷四終

雲左山房詩鈔卷五

侯官林則徐少穆

題陸母陳恭人傳後應萊臧親家

我嵩屬

君母與吾母昔皆儒家婦君身與吾身嗟今皆鮮民君捧丹青
淚盈掬吾母遺型亦髣髴平反加膳已輸君况我銜哀在望雲
齧指未歸遽終訣披圖悵觸空嗚咽君承慈訓多活民母也甘
泉宜寫真吾母豈無折葵教不如君母兒能孝

任階平太史

泰

寒夜寫經圖

君家樸學儒所宗鈞臺著錄昭發矇君抱遺編守家法木天奏
賦聲摩空奪虎觀席連幾重掉頭一笑歸江東自言蚤歲好經

義博采諸說參異同東南經師錢與段丹鉛剖記資磨礪元雲
蕭寥蔽層穹夜深老屋號朔風一篇在眼筆在手抉摘幽奧開
鴻濛卽今展畫澹不濃如見山寺寒燈紅十年編校謝塵事宜
有四七星羅胸鍾山樹色青一叢講堂禮樂相雍容炳燭之明
老逾篤問奇析奧經生從上追許鄭次孔賈嘉惠來學徵閎通
大春定有紛綸說勿僅封題祕枕中

和英樹琴先生

英和

喜文孫入翰林原韻

吟遍新昌賀宴篇因緣兩世締同年

辛未忝與芝圃詹事同榜
兒子汝舟復與琢山同歲

舉於

屏看隔座曾書誠

兼用第五司空
及富鄭公事

院數題名共集賢

園明
園翰

林朝房曰

種樹盈門陰接李傳家有鉢瑞生蓮須知四適詩中

集賢院

意貽厥心惟守故甌

公卜魁集中四適詩有青甌故物誰爲伴之句

題俞陶泉都轉

德淵

水流雲起遺照

水流無競心雲生有活態
涓滴歸滄溟膚寸出泰岱
君秉五行秀靜與萬物對觀
水同漣漪觀雲喜黻黼行行
豈有窮起起方未艾誰知瀟
灑心去來了無礙

君臨化有此偈語

自拈右丞詩悟已徹

三昧空明水雲氣吐納入肝肺
一朝解脫去天地在形內霖雨
施未竟江河流不廢嗚呼圖中人
留此誌遺愛

題陳石士侍郎

用光

韜光步竹圖遺照

披圖雲氣森寒綠澗水泠泠
嗽哀玉仙人騎鳳何時歸湖雨湖
煙嘯萬竹星輶昔駐越中驂賓主
文譙羅東南杖策入山不知

遠步屨直上韜光菴冷泉亭下泉聲活前臺後臺花正發眼看
海日對江潮孤嶂峩峩天地闊豈止登臨豁遠眸竹陰深處愛
句留穿雲衣染萬竿翠吸露胸含千畝秋畫工寫竹兼寫人行
坐俯仰隨天真千霄捧日賴公等直節虚心同此君彈指光陰
纔一瞥五君盡與西泠別作記人先返道山曩時游侶應嗚咽
我亦鴻泥舊迹經竹林把臂荷忘形不堪更覓鸞凰歎併入山
陽笛裏聽

丙申四月九日爲吳玉松前輩雲九十壽辰先六日余招

同石琢堂

韞玉

朱蘭坡

珩

吳棣華

延琛

董琴涵

國華

諸

前輩集後樂亭觀芍藥竹翁年八十一蘭坡六十八棣

華六十四琴酒五十八余五十二合之四百十有三歲
玉翁約共賦詩各用六人四百十三歲之句先成一詩
屬和卽次其韻

昨夜星文動南極一時仙客聚東吳殿春餘豔圍香幄浴佛先

期供法盂真見九旬臨洛社

文潞公開洛社年正九十

剛同五老啓河圖

是日

觀仇實父禹治水圖

六人四百十三歲翁更飛行不用扶

琢翁亦示一詩次韻奉和

舊附詞曹集禁闌今陪文譙賞春菲小園五畝竹千个新稻一

畦花四圍婪尾杯中開白社狀頭林下傲黃扉

吳中多狀元而琢翁與棣華前

輩皆中年勇退故戲及之

優游杖履關清福自分塵容那易幾

玉翁見和拙詩復疊前韻答之

西門遺愛猶留鄴

公曾守彰德

梅福成仙合住吳留客尙簪花滿鬢

抱孫曾貯水盈盂

用漢任棠事

書成老鶴叢談錄

惠函有賸語四身則皆見道語

身

在真靈位業圖况與故人酬季諾孤鸞算鵲賴公扶

謂存方鐵船遺孀事

前詩意猶未盡再疊前韻

託生本自舍衛國

後佛誕一日

達識况比東門吳不醉中山酒千日

轉喫屠黎麻一盂

壽日不稱觴避喧於虎邱山寺

家風遠追綺里季

綺里季姓吳詩品

方駕司空圖請續江淮異人錄千秋大雅輪須扶

齊梅麓

彥槐

送古佛入焦山圖卷

金人入夢始有佛六代造象何紛紛唐初采經及西竺供養功

德宜精勤安陽傅氏好弟昆欲以冥福資六親紀年在辛月在
丙精宇想見檮櫨新何時淪棄荒水濱千三百載浮河津屢經
兵燹象完好呵護信有天龍神趙前宋後發誓願送之焦山鎮
海門一江水隔迄未果題名易蝕蒼苔痕齊君種善多善根古
佛顯應成妙因杉板船輕翦江去江風不動波沄沄是日山中
佛光現異雲五色明朝噉音樂鳥鳴溪磻曉旃檀香散林巒春
汲東冷泉作清供曼陀羅雨吹細縑我聞八萬四千幻名相世
塵詎著蓮花身天人感應理則一刹竿自樹波由旬爲君作歌
歌止此別有靈契君應聞銅觀音象光福邨在宋出土祈祀殷
官中暘雨厯有驗年久廟圯叢棘榛前年去年兩禱旱楊枝滴

水蘇吾民民無饑寒

聖人悅親灑

寶翰題瑠璘君如來游太湖得請依蘭若瞻慈雲更將貞白摩崖手一寫裴休讚佛文

張止菴先生待漏圖

名洪字宗海常熟人本沙溪侯氏子生五日母死父游不反育於張氏少成演沐春薦之使緬甸日本及遼還朝遷行人授脩撰爲永樂大典總裁

少年荷戈壯持節書生遭逢信奇絕奉使張騫通大宛才名陸賈傾南越生無豹領封侯姿威望居然懾龜鯢炎風萬里迴星

輶簪毫入侍芙蓉闕玉堂夜直然藜青校書曾橐詞臣筆元明
風氣尊宋儒羣經概祧漢人說刺孟疑孟徒紛紛持論專因科
舉設公也生當洪武朝一瓣香從雒閩蔡等身著述藏名山歷
劫紅羊書盡佚遺墨流傳文數篇想見丹鉛勞胝沫披圖靜對
古衣冠嵩華丰稜猶髣髴吁嗟乎文章致用非一途奇才豈盡
科目出勲業如公信不羣惜無史傳揚馨烈五百年來縑素新
傳家此是文貞笏

題徐侯齋先生遺像卷

君不見天水遺民鄭思肖本穴畫蘭傳墨妙又不見淨名菴主
倪雲林迂懶實抱千秋心先生棲遁靈巖麓擊竹西臺同慟哭

薇蕨猶餐故國餘，蓼莪早廢諸生讀。

文靖公殉難投半塘死

谿山僻處支

繩牀風雨三閭打，頭屋賣書偶開高士寮。避人終臥王官谷，一

老菴前歸雁稀。

先生弟貫時自稱東海一老

二株園裏寒螿唳。

文靖故居

草堂百

年獨無恙，華表鶴向梅枝棲。瓣香復有宗賢燕，歲薦蘭芷擐芳

谿。我昔緇帑表忠補。

西照頭陀作虎邱表忠補

靈蹤夙企珍珠陽，祇今圖畫

瞻儀容，想見丹心一片苦遺墨，流傳屬續時零綃碎楮俱千古。

吁嗟乎澤中男子圖嚴光，市中女子知韓康。先生逃名名益彰，

巢由禹稷兩相契，此象合配湯睢陽。

敬題湯雨生都尉

貽汾

節母楊太夫人斷釵圖

斷釵一何悲，吟者湯節母。釵爲名父賜，締以絲蘿耦。玉燕雙飛

翔明璫閒佩玖誰料酸風來同心欸分剖碧血揚滄波死綏夫
與舅一門兩忠孝招魂復皋某鏡破難再圓釵乎更何有從茲
謝簪珥霜雪侵蓬首寒窗燈影孤

太夫人有寒窗課子圖

哀此埽門婦輟

吟十八年受辛忘蠶曰教忠任子貴褒節

朝恩厚方期啖蔗甘長使貞筠壽竭來瓊花觀含淚一揮手何
時塵匣中碎若亞父斗成毀固前定親慈奚忍負回思賜釵年
荏苒三十九淚枯詞轉成語盡心欲嘔嗟哉苦節貞難駐春暉
久孤兒漣然涕誓墓解組綬珍重收零縑子孫戒世守奕業傳
清芬先德永不朽

題怡悅亭中丞

怡良

滄浪話別圖卷

君昔衣繡來江東朋簪許我苔岑同南國水榭駐冠蓋聯車復
有陳孟公君持蕃條莅江右陳公惆悵攜尊酒滄浪亭子延清
秋主客圖成各揮手陳公節鉞開豫章同心又種雙甘棠招攜
重來有詩識芝楣題此圖句云同心勝侶相招攜又云盼君旌幢重莅止兩賢先後還金閭
天生兩賢翊

神聖拜

恩疊共彈冠慶君今開府五羊城嶺表風馳海如鏡憶昨別君
吳苑時吳民猶未蘇瘡痍君還江南屢豐歲政成君又移旌麾
萍蹤聚散亦何有事業深期垂不朽荆湘我愧領連圻曷力安
能巨山負東去長江日夜趨江流到海卽三吳離心遙寄南樓

笛擬續滄浪第二圖梅雨瀟瀟楚天暗聞君正過滄浪畔何當
泛櫂招陳公載酒同游赤壁岸

潘芝軒相國

世恩

花瑞圖屬賦

雨露濃承倚日栽東皇鄭重不輕開問名丞相筵閒得證果神
仙頂上來魏國有堂忘富貴萊公無地起樓臺靖鄉卻幸芳鄰
接得句先傳錦繡來

謂徽廷
公子

答張亨甫孝廉

際亮

見寄卽次原韻

廬阜屏風疊宮亭鏡影圓高歌凌白雪奇句落青天徧踏山中
屐聊停月下船林巒延麗瀾湖海悵華年飢鳳猶如此漂鷺亦
偶然干霄原有筆負郭久無田擊水鵬搏迴登臺駿足先八閭

開誅蕩二策竝英賢謬忝封圻重深慚獎借偏蕙風香可挹薇
露浣尤虔夢遠京華路江含楚甸煙春明聆吉語雲瑞應臚傳
譽起連城價名高寶劍篇斗閒槎好繫遙傍絳河懸

題亨甫匡廬游草

五老翩然下招君入翠微笑騎白鹿往坐看玉龍飛洞古留仙
笈雲深濕客衣攜來天上語萬點化珠璣

題朱尊魯右曾先人孝行圖冊

丁藤不可逢菊泉不可求涔涔臂血隱襟裏含淚跪進牀前甌
甌方進親已起旁人嘖嘖稱孝子孝子聞之走掩耳冒禁爲之
豈得已平生學行首事親蕩貽儒林稱丈人學成行脩報疑爽

第不於躬於子孫說經鏗鏗孝子子承明著作從此始于公高
門且容駟矧茲錫類無窮紀我已移節辭東吳聞風回首增欷
歔誰歟大書標其闔以爲百世人倫模

徐訪巖同年

寶森

由粵西觀察擢皖臬入覲過楚出灘江

話別圖屬題卽送其行

灘江東下楚江清官舫停橈月正明三接竚邀

新寵渥一尊先許故人傾山橫畫本詩爭健石壓行裝夢亦輕

話到春明舊香火龍門回首不勝情

是日談曹文正公師
身後事相與慨然

七閩往歲困沮洳嗷雁爭依使者車援手羣推經世略填胸盡
是活人書青州倡振廉泉潤寒谷回春暖氣嘘一片慈雲懸海

上至今謳頌徧鄉閭

謂甲午歲在閩辦災事

鄧庭維先生松堂讀書圖為文孫湘皋

顯鶴作

書有萬卷諸松有百尺堅讀書古松下堂構奕世傳鄧翁古德

人兀兀陳簡編作詩何必多

東坡句

中有至性宣新稻嘗輒感苦

瓜種尤先穆穆吟道觀詩人與神仙

事俱見本集

哲孫富文學遺翰

副墨鐫吾聞莊史云人乃報其天又聞古傳記盛德百世延種

植既先覺滋灌斯後賢會看梁棟材爭挺崔嵬巔

題朱久吾學使

蘭

花閒補讀圖

黃鶴樓前玉笛吹梅花如雪駐檐帷燃藜獨理丹鉛業門下何

人借一鵷

西風分手短長亭水蓼紅疏荇葉青何日名山同展卷書聲還
許竈觚聽

仲秋四日阻風沙洋姚春木椿餉以酒餚且枉新詩依韻

答謝

荆襄歷盡挂歸帆沙羨無端阻旆幃多謝酒人分瀝液獨難詩
律鬪精嚴郵亭銜肉嗤烏鳥來詩及此官閣傳杯約玉蟾承許中秋來吾齋
千丈金隄果無恙敢因行役怨飛廉

再答姚春木卽勸俶裝

小雨纔能濕半帆甘霖須及洗長幃雲連杭稻期全潤霜入蓀
葭恐漸嚴願共客星移畫鷁莫教秋月落明蟾同舟仙侶齊翹

首不獨張憑一孝廉

來書訊及
亨甫故云

題及門黃杏帘

麟

襄陽詩後卽次留別原韻

當年銀榜重題名雙井詞華衆更傾豈竟饑寒困東郭况饒醕
茂逼西京才宜晚遇休憎命詩不矜奇善道情根觸芙蓉江上
句耐人尋味是和平

題吳母徐孝婦刲臂療姑墨刻

吳中大姓延陵吳我識季子曰清如

名嘉
注

季子通籍官中書恨

不逮事適母徐示我孝婦傳口述母孝聲淚俱謂聞諸兄言昔
母刲臂親療姑當姑疾革心躊躇蕩苓無功醫術疏焚香禱神
願身代那忍自惜完肌膚摩抄金錯刀閉門涕如濡一割血濺

手再割血濺裾藥鎗初沸一縑熟病榻起嚙神魂蘇姑聞感歎
還嗟吁不有孝婦危誰扶臂創合否紅模糊祝汝子孝長返鋪
幼兒在膝前問母此事誠有諸母悲不忍言真孝豈以名自居
惜哉旌典格於例未有綽楔標其閭嗚呼忠孝理則一祇在片
念真誠輸肢體勿傷論雖正倉卒奚暇爭智愚況以婦職較子
職揆情本有難易殊女而士行婦卽子至性激發堪垂模獨嗟
孝婦年壽促人疑果報將毋虛庸知子孝由母孝蔭滿庭樹皆
成珠季子蚤歲文譽都鳳池今喜鳴珂趨鸞迴

紫誥光泉壚顯揚之志申區區孝哉季子毋歛歛焚黃告母靈
其愉孝行之報無時無

潘功甫舍人冒暑游洞庭舟過鄂州留之不可枉三絕句

次韻答之

去年曾對君山碧吳楚東南首重同

余去秋登岳陽樓

誰料杜門老居

士一帆六月翦江來

聞道諸仙蔭桂旗雲中招手客星移何如鄂渚高樓笛聽到秋

江月上時

留君小住君答雲中君相待於岳陽樓不能留也

壯遊觸暑信堪傳萬頃煙波正渺然卻憶杜公留滯句娟娟隔

水美人船

周艾衫編修

恩綬

見貽感遇述懷詩次余題宣南詩社圖

韻因疊前韻答之

顏瓢屢空不改樂陶徑就荒覺非昨鄉思詎必爲蓴鱸巖隱未
妨伴猿鶴乘流遇坻台隨分晦鶚韜鋒惟守約濁酒聊傾澠澠
波浮塵爲利重重膜邂逅雖云傾蓋新承明早記同岑託敢謂
吾言比蘭臭試解君愁消艾灼君昔讀書寶晉齋兩點金焦任
伸腳海疊潮起文瀾壯江上霞催詩骨削聽鸛故里雙柑攜瘞
鶴古銘萬紙拓泊入春明翔紫霄躍冶精金鼓風棗東觀晨趨
響玉珂西清夜直傳鈴索况復連牀共坡穎何止同舟誇李郭
是時翺鳳鳴朝陽行見巨魚縱大壑誰知羣蛇一螯手平地歟
有風波惡縱出豐城獄底來延津已墜雙干鏌白沙印泥困塵
溷利器入囊具盤錯物論仍原素履貞退思自照心燈爝遂初

賦爲興公製招隱詩同太沖作祇宜放眼浮雲空休因結習天
花著浩蕩誰能馴白鷗晨昏轉喜占烏鵲背有諶榮憂可忘身
雖蓬累心奚忤恬然揮手謝主組行矣掉頭脫纏縛落日吹臺
轡暫停西風夢澤舟重泊秋容老圃有黃花木末山中亦紅萼
苑枯榮落那足云且共澆愁淺深酌由來大樹飽經霜不見嘉
禾重晚穫蕤賓精鏐淪水中飛向宮懸諧鳳鐸願君努力崇修
能味道之腴棄其粕千秋事業藏名山時與昔賢相獻酢孤飄
坎壈古有之真宰玉成應不薄相如典冊宜廟堂子雲詞賦推
沈博聊種秋菰及春韭待被口脂兼面藥偶然羈旅泛萍蹤不
信英雄終瓠落失旦鳴雞猶向晨歸昌阿鳳仍巢閣琢磨去玷

詠攻錯遇合有神證
沕冥送君楚甸感蕭騷
爲採芰荷搴杜若
冥鴻飛下大江東
目極南樓天宇廓

壽白小山廷尉

銘

昔在

仁廟初大化昭作人甲科待奇士頓網彌八紘
內則股肱佐外爲岳牧臣通儒及詞彥一一俱絕倫
維公起畿甸高步當昌辰名場始拔幟馳譽如飈輪
天池奮鵬運阿閣揚鳳文况乃耿清尚風義夙所敦
博涉究典冊精思通杳冥倒屣接後進獎借尤殷殷
餘事及墨妙片紙逾瑤瓊昔我宦京國賃屋相比鄰
夜雪

九門靜曉霞

雙闕晴墨緣契金石談讌交縱橫歡條一以歇悵望歌停雲去
年會都下握手良覲申今冬又述職光霽重相親蒼然比松桂
氣象何輪囷進窺神明內千頃同淵澄潔清久彌著寵辱中不
驚乃知大臣度與道爲屈伸源泉爲公福山岳爲公身銜籌海
上鶴報公臻稀齡我昔初舉子繡襦猶穉嬰公見呼英物謂當
飛且鳴及茲忝金馬幸步青雲塵公乃笑拊掌前言欣有徵薊
門隔楚岫蘭訊何慙慙公家諸公子鳴玉影長纓彤幃沛甘雨
華省應列星孫枝並擢秀捎雲垂階庭摠衣奉玉罍蘭醴芳且
清

國家太和氣布濩方無垠伊萊並壽俊黃髮垂勛石引領爲公

祝天錫公精神從容晉台衮神化施丹青上奮翺亮續下俾風俗淳商山與雒社陋矣安足陳

寄酬吳棣華前輩

棣華以余乙未吳門祈雨祝文二篇與其所作喜雨詩並吳玉松前輩顧杏樓水部諸君題詠合裝成卷郵寄鄂城語意鄭重既弗克當公私叢委復無以答茲使嶺南途中補作以寄

隔歲尺書慚未報又枉清新卷盈束蒼生霖雨題字新到眼先驚此標目讀公長句聲淚俱使我顏頰寸心慙十年江左兩從政重聽癸呼愧謀鞠

余前後官吳中癸未癸巳兩次大荒

已歲真成大荒落澤潞

橫流欲沈陸農兮輟耒婦輟機雨雪嚴寒聞巷哭冬災入告破成例

恩緩正供什五六開倉振貸額有常相約官廚繼糜粥行擔所

賴邦人樂勸分公爲先導躬親督計口授錢口廿萬出納鉤稽

手編錄按圖審戶青衿勞鄰里私賙廣敦睦時各圖稽戶諸生多有私自加振者

仍愁老穉轉溝壑敢道人人白骨肉終思圖匱宜於豐豐備倉

於公廨築倉在巡撫署中余所創也公家昆季厚桑梓肯捨良田納嘉穀豐

倉成公與詰兄首稍喜明年暘雨時窮檐徐盼瘡痍復誰意旃

蒙又憂旱靡神不舉陳牲玉濃雲正起風倒吹新稻將焦日還

曝嗟民何辜辜在我自省咎愆更齋邀草疏不知語哀痛但覺

書成淚盈掬朝晡徒步勤頂禮終邀靈貺通於穆崇朝徹夕雨
翻盆高下萬塍同滲漉幸哉垂稿稻重蘇是歲仍符籌車祝得
沐

吳慈由

主德能濟民艱賴

神福公詩緣情斐然作不圖獎借猥及僕疏語鄙俚曷足道公
乃傳鈔使人讀感公厚意彌自勵敢使贈言等脩禔所期攻錯
資他山過必相規乃忠告竭來銜

命駕銑車要與愚氓洗鴆毒

近以鴉片煙流毒日甚
命往廣東海口查辦

欲挽頽波

力恐微試想燎原害誠酷三吳此事近如何問公能否迴汙俗

周行可不幸毋遺風便相期書舉燭

酬吳瀾齋侍郎

其濬

眼看時事息肩難欲挽頽波酌猛寬
集議休教同築室領軍何必竟登壇
余此行有訛傳爲出師者故云
蒼生果自防梟毒丹筆奚勞觸豸冠
憑仗儒宗主風教請紆籌策逮麤官

梅花綴玉雪堆鹽訪舊章江別緒添家世衡裁三度盛

先德少宰師爲

江西學使丙子詰兄美存前輩典試余忝爲副今君復視學於此

使君慧福一身兼勞薪暫憩

慚羸馭明鑑高懸看老蟾聞道龍門千尺峻可能傾蓋免防嫌

題馮方寅先生

勗

詩冊用吳棣華韻

負骨平生志登朝便拂衣花當京寓看煙惹

御鑄歸詞賦承明重

召試一等

交游輦轂稀

見吳玉松先生跋

清門遺手澤

斷墨抵零璣

題龔木民明府

潤森

清笳畫角看荊州畫卷

江亭匹馬夕陽沈過客愁聽楚塞音何似南樓弄明月十年漢

上記題襟

庚寅余分藩鄂渚

滔滔秋漲滿江湖千里家山客夢孤正是秋聲悲絕處一天寒

雨滯姑蘇

和鄧嶧筠前輩

廷楨

虎門卽事原韻

五嶺峯迴東復東煙深海國

四字公舟中額也

百蠻通靈旗一洗招搖

燄畫艦雙恬舳舻風弭節總憑心似水聯檣都負氣如虹牙璋

不動琛航肅始信

神謨協化工

拜袞人來斗指東
女牛招共客槎通銷殘海氣空
塵瘴聽徹潮聲自雨風下瀨樓船遲貫月中流
木柿亘長虹時有排鍊之製看公銘勒燕然後磨盾還推覓句工

次韻和嶰筠前輩

蠻煙一掃衆魔降
說法憑公樹法幢
域外貪狼猶帖耳
肯教狂噬縱邨尨

近聞籌海盛封章
突兀班心字有芒
誰識然犀經慧照
那容李樹代桃僵

中秋嶼筠尙書招余及關滋圃軍門天培飲沙角礮臺眺

月有作

坡公渡海誇羅浮涼天佳月皆中秋東坡詩序語鐵橋石柱我未到

黃灣胥口先句留今夕何夕正三五晴光如此胡不游南陽尙

書清興發約我載酒同扁舟日午潮回櫂東指是日退潮在午順流一

葦如輕鷗鼓棹健兒好身手二十四槳可少休快艇槳廿四不用轉眸

已失大小虎兩山名須臾沙角風颿收是時戰艦多貔貅相隨大

樹驅虬蟬礮聲裂山雜鼓角檣影蘸水揚旌旂樓船將軍肅鈴

律雲臺主帥精運籌大宣

皇威震四裔彼伏其罪吾乃柔軍中歡讌豈兒戲此際正復參

機謀行酒東臺對落日猶如火繖張鬱攸莫疑秋暑酷於夏晚
涼曾有風颼颼少焉雲斂金波流夜潮洶湧拋珠毬涵空一白
十萬頃淨洗素練懸滄洲三山倒影入海底玉宇隱現開瓊樓
乘槎我欲凌女牛舉杯邀月與月酬霓裳曲記大羅詠廣寒斧
是前身脩試陟峯巔看霄漢銀河瀉露洗我頭森森寒芒動星
斗光射龍穴龍爲愁蠻煙一掃海如鏡清氣長此留炎州三人
不假影爲伴袁宏庾亮皆吾儔余與嶠筠涉
圃俱登峯巔醉歸踏月涼似水
仍屏儼從祛鳴騶褰簾拂枕月隨入殘宵旅夢皆清幽今年此
夕銷百憂明年此夕相對不留詩準備別後憶事定吾欲歸田

題關滋圃瑞菊延齡圖

一品斑衣捧壽卮
九旬慈母六旬兒
功高靖海長城倚
心切循陔老圃知
裛露英含堂北桂
傲霜花豔嶺南枝
起居八座君恩問
旌節江東指日移

補題趙蘭友同年雪舫傳觴圖

興君在春明文酒月一聚
及爲江南吏同此簿書苦因公數相
見未暇觥政舉何當述職去如脫千鈞
弩片帆翦江來瓜步寄柔艚無端水生骨
一夕西風阻君方領邗郡欲謀祖帳祖我謂
君勿然君客我乃主君年正週甲生日載年譜
今恰爲君壽我歌君且舞同年三十載豈少晨夕
數難得覽揆辰遇此忘形侶

舟從冰心停酒以冰壺貯知君清如冰天與介壽所不醉別可
惜爛醉寒盡禦詰朝冰果渙鼓楫舟容與聚散宜有神臨歧倍
延佇君言此會奇當以畫圖補我時朝

九閨繼乃移三楚回首大江東迷離夢煙雨寄圖索我題傳神
在阿堵我詩負諾責倏歛三寒暑今年客嶺南經秋病纔愈披
圖綴長句聊以寫肝肺君今六十三我亦五十五喜君擢繡衣
旦夕卽開府何時再爲壽七袞歲丙午

次董琴涵觀察始興舟次見懷原韻

鸞掖文章炳上台繡衣遙自五華來

君由昆明太守擢巡瓊海

傳家舊帙增

繁露按部先聲徙忽雷

鱷魚一名忽雷

七萃近尋籌海策百蠻爭仰勒

銘才樓船重整荇苳合與瓊山頌有臺

浴日亭前偶舉卮詩情官譽逐飈馳障川農被郁膏渥煮海商

贏管筴奇

謂監築基圍及銷鹽溢額事

玉局每宜圖笠屐金閭何事偃旌旗

塵襟欲向滄浪浣笑比維摩八解池

戴醕士學士熙畫松題句

不矜千丈聳青霄獨抱冬心信後凋大廈棟梁成特立陰厓霜
雪寫孤標蟄龍蟠踞根無曲墜鶴支離影尙招憶共聽濤江閣
上何時清夢續松寥

庚子歲暮雜感

病骨悲殘歲歸心落暮潮正聞烽火急休道海門遙蜃市連雲

幻鯨濤挾雨驕舊慚持漢節才薄負中朝

此涕誰爲設

用東坡句

多慚父老情長紅花盡燭大白酒先傾早悟

雞蟲失毋勞燕蝠爭君看滄海使頻歲幾回更

幸飲脩仁水曾無陸賈裝通江知菡萏擲井憶沈香魑結終無

賴羈縻或有方茹荼心事苦愧爾頌甘棠

朝漢荒臺古登臨百感生能開三面壘孰據萬人城楊僕空橫

海終軍漫請纓南溟去天遠重鎮要威名

辛丑三月十七日室人生日有感

敢將梁案舉齊眉家室蒼茫感他離度嶺芒屨渾入夢

去冬彝樞兩兒

私祝如得奉親早歸當徒步過庾嶺

支牀蓬鬢強臨歧劇憐草長鶯飛日正是鸞

飄鳳泊時焚尾一杯春已暮兒曹漫獻北堂卮

偕老剛符百十齡相期白首影隨形無端骨肉分三地

余留滯羊城夫

人攜兩兒寓南雄大兒由吳門返棹來粵尙在途次

遙比河梁隔兩星蓮子房深空見薏

桃花浪急易飄萍遙知手渥牟尼串猶念金剛般若經

題章次白學博

補

西溪秋雪圖

頻約偕游仍未游畫圖先借一溪秋旁人疑我入溪住穿遍蘆花成白頭

贈汪少海

廿年陳迹感搏沙飛鳥重來鬢未華莫嘆鮎竿遲上竹已添鳳

羽待生花旋渦妙策沈番舶

庚子夏逆夷擾浙君用奇計誘夷船陷輓沙俘獲甚衆

烈燄

雲左山房詩鈔卷五

九

神機轉礮車鎮海鑄大礮百餘分運各臺君領其事漢書註霹靂車卽今礮車東望蛟門扞高
詠詩題崖岫合籠紗

雲左山房詩鈔卷五終